



საქართველოს შინაგან საქმეთა მინისტრის ბ რ ძ ა ნ მ ბ ა

20 / 11 2014 წ.

თბილისი

№ 915

საქართველოს შინაგან საქმეთა სამინისტროს ზოგიერთი ობიექტის დასუფთავების მომსახურების სახელმწიფო შესყიდვის ერთობლივად განხორციელების შესახებ

„საქართველოს შინაგან საქმეთა სამინისტროს დებულების დამტკიცების შესახებ“ საქართველოს მთავრობის 2013 წლის 13 დეკემბრის №337 დადგენილებით დამტკიცებული დებულების მე-5 მუხლის მე-2 პუნქტის „ა“, „ნ“ ქვეპუნქტების საფუძველზე და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესის მე-4 მუხლის შესაბამისად,

ვ ბ რ ძ ა ნ ე ბ:

1. დაევალოს საქართველოს შინაგან საქმეთა სამინისტროს (შემდგომში – სამინისტრო) საფინანსო-სამეურნეო დეპარტამენტს ელექტრონული ტენდერის ჩატარება აღმოსავლეთ და დასავლეთ საქართველოში მდებარე სამინისტროს ობიექტების დასუფთავების მომსახურების სახელმწიფო შესყიდვის ერთობლივად განხორციელების მიზნით.

2. აღმოსავლეთ საქართველოში მდებარე სამინისტროს ობიექტების დასუფთავების მომსახურების თაობაზე ელექტრონულ ტენდერში გამარჯვებულ პრეტენდენტთან სახელმწიფო შესყიდვის შესახებ ხელშეკრულების გაფორმება და უნაღდო ანგარიშსწორების უზრუნველყოფა დაევალოს:

ა) სამინისტროს სახელმწიფო უსაფრთხოების სააგენტოს – 32706.24 (ოცდათორმეტი ათას შვიდას ექვსი ლარი და ოცდაოთხი თეთრი) ლარის ფარგლებში;

ბ) სამინისტროს კონტრაზვერვის დეპარტამენტს – 57513.24 (ორმოცდაჩვიდმეტი ათას ხუთას ცამეტი ლარი და ოცდაოთხი თეთრი) ლარის ფარგლებში;

გ) სამინისტროს ქვემო ქართლის სამხარეო მთავარ სამმართველოს – 290210.40 (ორას ოთხმოცდაათი ათას ორას ათი ლარი და ორმოცი თეთრი) ლარის ფარგლებში;



დ) სამინისტროს შიდა ქართლის სამხარეო მთავარ სამმართველოს – 329714.78 (სამას ოცდაცხრა ათას შვიდას თოთხმეტი ლარი და სამოცდათვრამეტი თეთრი) ლარის ფარგლებში;

ე) სამინისტროს სამცხე-ჯავახეთის სამხარეო მთავარ სამმართველოს – 207805.61 (ორას შვიდი ათას რვაას ხუთი ლარი და სამოცდაერთი თეთრი) ლარის ფარგლებში;

ვ) სამინისტროს კახეთის სამხარეო მთავარ სამმართველოს – 234676.88 (ორას ოცდათოთხმეტი ათას ექვსას სამოცდათექვსმეტი ლარი და ოთხმოცდარვა თეთრი) ლარის ფარგლებში;

ზ) სამინისტროს მცხეთა-მთიანეთის სამხარეო მთავარ სამმართველოს – 157600.70 (ას ორმოცდაჩვიდმეტი ათას ექვსასი ლარი და სამოცდაათი თეთრი) ლარის ფარგლებში.

3. დასავლეთ საქართველოში მდებარე სამინისტროს ობიექტების დასუფთავების მომსახურების თაობაზე ელექტრონულ ტენდერში გამარჯვებულ პრეტენდენტთან სახელმწიფო შესყიდვის შესახებ ხელშეკრულების გაფორმება და უნაღდო ანგარიშსწორების უზრუნველყოფა დაევალოს:

ა) სამინისტროს კონტრაზვერვის დეპარტამენტს – 41592.96 (ორმოცდაერთი ათას ხუთას ოთხმოცდათორმეტი ლარი და ოთხმოცდათექვსმეტი თეთრი) ლარის ფარგლებში;

ბ) სამინისტროს აჭარის ა/რ მთავარ სამმართველოს – 276067.07 (ორას სამოცდათექვსმეტი ათას სამოცდაშვიდი ლარი და შვიდი თეთრი) ლარის ფარგლებში;

გ) სამინისტროს იმერეთის, რაჭა-ლეჩხუმისა და ქვემო სვანეთის სამხარეო მთავარ სამმართველოს – 463386 (ოთხას სამოცდასამი ათას სამას ოთხმოცდაექვსი) ლარის ფარგლებში;

დ) სამინისტროს გურიის სამხარეო მთავარ სამმართველოს – 81946.08 (ოთხმოცდაერთი ათას ცხრაას ორმოცდაექვსი ლარი და რვა თეთრი) ლარის ფარგლებში;

ე) სამინისტროს სამეგრელო-ზემო სვანეთის სამხარეო მთავარ სამმართველოს – 323817.42 (სამას ოცდასამი ათას რვაას ჩვიდმეტი ლარი და ორმოცდაორი თეთრი) ლარის ფარგლებში.

4. შესყიდვის ობიექტის მიწოდების წესი განისაზღვროს შემდეგი სახით: დასუფთავების მომსახურება განხორციელდეს 2015 წლის 1 იანვრიდან 31 დეკემბრის ჩათვლით.

5. ბრძანების შესრულებაზე კონტროლი დაევალოს სამინისტროს საფინანსო-სამეურნეო დეპარტამენტის დირექტორ ვლადიმერ ხატიაშვილს.

6. ბრძანება გაეცნოს დაინტერესებულ პირებს.

7. ბრძანება ამოქმედდეს ხელმოწერისთანავე.

მინისტრი,
პოლიციის პოლკოვნიკი

ალექსანდრე ჭიკაბიძე